

ViuTV搶過檔 阿澤開節目 台灣探討民情

杜汶澤之前為奇妙電視主持的《杜汶澤食住上》贏盡口碑，令到阿澤成為電視台搶手貨，近日ViuTV贊中阿澤，力邀他主持全新實況娛樂節目《走佬去台灣》。阿澤90年代因為避賭債而避走台灣一年，今次阿澤到台灣會重遊舊地，重溫當年走佬生活，阿澤又會為當地綜藝節目做茄喱啡、到夜場和大學示範講台灣妹。節目暫定10集，日內阿澤將出發去台灣拍攝。

走佬一年

節目監製吳繼業日前表示，由於近年多港人[移民台灣](#)，他們想製作一個節目了解港人在台灣實際生活是否適合，後來他跟好友阿澤飯敘時提及此節目，阿澤感到有興趣，指20多年前自己因欠大耳窿錢而避走台灣一年，吳繼業說：「佢話佢住咗一年，都有啲生活上嘅體驗，亦感受到呢個地方一啲人情味，之後佢做電影，亦提名咗4次金馬獎，呢個地方對佢好似有啲連繫咁。」

阿澤昨日則透露ViuTV新節目是他設計：「因為我年輕時走過佬去台灣，而我呢幾年又覺得有好多香港人好似我咁，如果有機會，睇吓有冇方法移民去第二度。所以我諗番起，其實台灣都係一個選擇！所以我想去探索一下現在嘅台灣適唔適合我，或者其他香港人移居！會帶大家去睇吓樓，又會去睇吓有乜工作機會，衣食住行乜都探索一下！」

採訪：魯吉、陳杰